

surrexerunt. Juvēnes vidērunt lumen, & habitaverunt super terram: viam autem disciplinæ ignoraverunt, neque intellexerunt sēmitas ejus, neque filii eōrum susceperunt eam: à faciē ipsōrum longè facta est: non est audita in terra Chanaan, neque visa est in Themam. Filii quoque Agar, qui exquirunt prudentiam quæ de terra est, negotiatores Merrhæ, & Themam, & fabulatores, & exquisitores prudentiæ & intelligentiæ: viam autem sapiētiæ nescierunt, neque commemorati sunt sēmitas ejus. O Israël, quàm magna est domus Dei, & ingens locus possessionis ejus? Magnus est, & non habet finem: excelsus & immensus. Ibi fuerunt gigantes nominati illi, qui ab initio fuerunt, statūra magna, scientes bellum. Non hos elēgit Dōminus, neque viam disciplinæ invenerunt: propterea perierunt. Et quoniam non habuerunt sapiētiā, interierunt propter suam insipientiam. Quis ascendit in cœlum, & accepit eam, & eduxit eam de nūbibus? Quis transfretavit mare, & invenit illam, & attulit illam super aurum electum? Non est qui possit scire vias ejus, neque qui exquirat sēmitas ejus: sed qui scit universa, novit eam, & adinvenit eam prudentia sua: qui pręparavit terram in ætérno tēpore, & replēvit eam pecūdibus, & quadrupédibus: qui emittit lumen, & vadit: & vocavit illud, & obēdit illi in tremōre. Stellæ autem dederunt lumen in custodiis suis, & lætātæ sunt: vocatæ sunt, & dixerunt:

Ad-

Adsumus: & luxerunt ei cum jucunditate, qui fecit illas. Hic est Deus noster, & non æstimabitur alius adversus eum. Hic adinvenit omnem viam disciplinæ, & tradidit illam Jacob puero suo, & Israël dilecto suo. Post hæc in terris visus est, & cum hominibus conversatus est.

PROPHETIA VI.

IN diēbus illis: Facta est super me manus Dōmini, & eduxit me in spiritu Dōmini: & dimisit me in medio campi, qui erat plenus ossibus, & circumduxit me per ea in gyro: erant autem multa valdè super faciē campi, siccaque vehementer. Et dixit ad me: Fili hominis, putasne vivent ossa ista? Et dixi: Dōmine Deus, tu nosti. Et dixit ad me: Va-

ticinare de ossibus istis: & dices eis: Ossa arida audite verbum Dōmini. Hæc dicit Dōminus Deus ossibus his: Ecce ego intromittam in vos spiritum, & vivētis. Et dabo super vos nervos, & succrescere faciā super vos carnes, & superextendam in vobis cutem: & dabo vobis spiritum, & vivētis, & sciētis quia ego Dōminus. Et prophetavi sicut præceperat mihi: factus est autem sonitus, prophetante me, & ecce commotio, & accesserunt ossa ad ossa, unumquodque ad juncturam suam. Et vidi, & ecce super ea nervi & carnes ascenderunt: & extenta est in eis cutis desuper, & spiritum non habebant. Et dixit ad me: Vaticinare ad spiritum, vaticinare fili hominis, & dices ad spiritum: Hæc dicit Dō-

Q 2

mi-

minus Deus: A quatuor ventis veni spiritus, & insuffla super interfectos istos, & reviviscant. Et prophetavi sicut præceperat mihi: & ingressus est in ea spiritus, & vixerunt: steteruntque super pedes suos exercitus grandis nimis valde. Et dixit ad me: Fili hominis, ossa hæc universa, domus Israël est; ipsi dicunt: Aruerunt ossa nostra, & periit spes nostra, & abscessi sumus. Propterea vaticinare, & dices ad eos: Hæc dicit Dominus Deus: Ecce ego aperiam tumulos vestros, & educam vos de sepulchris vestris, populus meus: & inducam vos in terram Israël. Et sciatis quia ego Dominus, cum aperuero sepulchra vestra, & eduxero vos de tumulis vestris, popule meus: & dederò spiritum meum

in vobis, & vixeritis, & requiescere vos faciam super humum vestram: dicit Dominus omnipotens.

ADMISSAM
Epistola.

Lectio Actuum Apostolorum.

IN diebus illis: Factum est cum Apollo esset Corinthi, ut Paulus peragratis superioribus partibus veniret Ephesum, & inveniret quosdam discipulos: dixitque ad eos: Si Spiritum sanctum accepistis credentes? At illi dixerunt ad eum: Sed neque si Spiritus sanctus est, audivimus. Ille vero ait: In quo ergo baptizati estis? Qui dixerunt: In Joannis baptismate. Dixit autem Paulus: Joán-

IN DIE
PENTECOSTES.

Lectio Actuum Apostolorum.

CUM complerentur dies Pentecostes, erant omnes discipuli pariter in eodem loco: & factus est repente de caelo sonus, tamquam advenientis spiritus vehementis, & replevit totam domum ubi erant sedentes. Et apparuerunt illis dispersitæ linguæ tamquam ignis, seditque supra singulos eorum: & repleti sunt omnes Spiritu sancto, & cœperunt loqui variis linguis, prout Spiritus sanctus dabat eloqui illis. Erant autem in Jerusalem habitantes Judæi, viri religiosi ex omni natione quæ sub caelo est. Fac-

ta autem hac voce, convenit multitudo, & mente confusa est, quoniam audiēbat unusquisque lingua sua illos loquentes. Stupēbant autem omnes, & mirabāntur, dicentes: Nōne ecce omnes isti, qui loquuntur, Galilæi sunt, & quomodo nos audivimus unusquisque linguam nostram, in qua nati sumus? Parthi, & Medi, & Elamitæ, & qui habitant Mesopotamiam, Judæam, & Cappadociam, Pontum, & Asiam, Phrygiam, & Pamphyliam, Ægyptum, & partes Lybiæ, quæ est circa Cyrenen, & advenæ Romani, Judæi quoque, & Proselyti, Cretes, & Arabes: audivimus eos loquentes nos-